



NIX EM BÜGGEL (Corona-Version)

(M.: Trad. T.: F.M.Willizil)

Nix em Büggel, ävver all joot drop
nix em Büggel, ävver all joot drop
en ruude Nas, un jeck em Kopp
nix em Büggel, ävver all joot drop

De Täsche leer un affjebrannt
stommer he me'm Rögge an dr Wand
Coronavirus rejiert et Land
hammer su noch nit jekannt

Driess drop – wat koss de Welt
mr waade nur noch op et Övverbröckungsjeid
dr letzte Euro op dr Kopp jeklopp
(mer han) nix em Büggel, ävver all joot drop

Nix em Büggel, ävver all joot drop ...

Uns Kanzlerin säht: „Et weed alles joot!“
jo hahaha – do laachste dich kapott
Finanzloch dat krijjen se nit jestopp
se han jo nix em Büggel, ävver all joot drop

Mer singen jo jo (jojo) –
oh jojojo (oh jojojo) –
shalalala (shalalala)
nix em Büggel ävver all jot drop
un mer singe nänänä (nänänä) –
nänänänänä (nänänänänä)
wo es dr Rettungsschirm? (wo es dr Rettungsschirm?)
Nix em Büggel ävver all joot drop

Wammer lang jenoch jeklüngelt han
kumme mer dann all em Himmel an
Petrus laach un säht: „Och, kutt erop;
mer han nix em Büggel, ävver all joot drop!“

Doch he es noch lang nit Schluss
mer schaffen dat us jedem Schlamassel erus
un su schnell rääch uns nix mih op
Leever ärm un jlöcklich - als rich un beklopp!!

Nix em Büggel, ävver all joot drop ... (2x)